

上賢齋藏版

第壹冊

萬國演義

作新社製印

萬國演義卷二十一

練韜鈴將門衍家學

泣弓狗末路困英雄

卻說羅馬迦太基自西歷紀元前二百六十四年。當我周赧王五十年。因爭墨西拿一地。開了第一次布尼革戰爭。當時逐了迦太基的警備兵。佔據昔西利島的屬地。原是羅馬人得手。但迦太基一國善於海戰。向稱海上王。自雅典衰亡後。地中海水師。就要推迦太基獨步的了。既與羅馬開釁。他便以兵船游弋大希臘海面。任意焚掠。西自古買東。至達倫屯。噶拉比阿。又北至羅馬。凡濱海的城埠。悉遭迦太基蹂躪。羅馬通國震動。想要禦之於海。無奈國中沒有兵船。終是束手無策。迦太基有兵船一艘。遇了颶風。漂至達倫屯海灣。被羅馬人所得。便仿照他的式樣。造成一百二十艘。從此之後。羅馬人也有水軍。可與迦太基人角逐於地中海了。原來迦太基的戰艦。用水手鼓櫓。船舷兩面。上下重列。那極大的船。還列至五重。船中水手。必須熟習行船方法。方可出戰。這種兵船。縱橫地中海面。所向無

羅馬仿造兵艦

飛橋之制

敵。迦太基人常以此自豪。及聞羅馬在那裏造船。他也毫不爲意。還說。羅馬人所造的船。必不能便利。想要敵我。正是以童子與壯者鬪。以弟子與先生爭耳。隔了六旬。羅馬人造船已成。舉了个脫爾留爲水軍大將。日督兵士。操演一切鼓櫂使帆以及戰陣諸法。水軍既嫻習。脫爾留又創意造了个飛橋。用以備戰。到得紀元前二百六十年。當我周赧王五十五年。脫爾留率了大隊戰艦。出昔西利東北的密勒海。往伐迦太基。兩下艦隊相遇。羅馬船直薄迦太基陣。高懸飛橋於桅間。橋以木做成。背後用許多鋒利的大鐵釘。密密挑着。伺迦太基船行至切近。羅馬船中人便猛臥其橋。橋長體重。被重力一激。橋背鐵釘。都釘入了迦太基的船面。船不能脫。羅馬兵便由飛橋而渡。猛撲迦軍。奪其戰艦。迦太基人出於不意。大敗而逃。喪船四十五艘。迦太基既敗。不敢復以兵船掠海岸。羅馬得以安堵。但羅馬水師雖得勝仗。他的所造船質。終是脆薄。一經風濤。易於傷損。自密勒海凱旋後。益添造戰艦。務求堅固。那時羅馬戰艦已有了三百三十艘。就漸漸的變爲海軍雄國了。休兵一年。迦太基又使漢那哈米加爲水師帥。率戰艦三百五十艘。從昔西

利島的西面渡。脫爾留以艦隊禦敵。仍用前法。由飛橋渡登迦艦。擊沈三十艘。奪獲六十四艘。餘船悉散走。脫爾留歸國。獻捷於父老會。羅馬人大喜。就在公議堂前。建了一座高臺。以所獲敵船之首。安置臺端。以銘勛績。因船首甚尖。形如鳥喙。後人就叫他個喙臺。這兩次海戰。照尋常而論。羅馬國中本無海軍。遇着了一個迦太基的海軍雄國。勝敗之勢。自然是不消說得的了。那曉得他得了一艘迦太基破壞的戰艦。用心仿造。又得脫爾留爲之訓練。不出數年。就連獲了兩次大捷。可見環地球內。任是什麼強國。船艦怎樣的堅捷。器械怎樣的便利。只要有人精心仿效起來。采他之長。補我之短。到得訓練熟了。復又以我之長。攻彼之短。那是再沒有不能取勝的了。閑話休提。且說羅馬人自昔西利勝後。意欲逐退迦太基。獨佔地中海的海權。復使雷古魯爲將。帥水師渡海。往伐迦太基。中途遇風。船多損壞。雷古魯收隊折回。羅馬人意不少阻。復造戰船。補了缺數。仍命雷古魯將之。飛渡至非洲。攻陷盛皮阿。又克圖尼斯。連陷迦太基屬地。進薄都城。迦人大震。遣使行成。求立停戰約。雷古魯道。如欲停戰。須讓昔西利全島爲羅馬屬地。再以

兵費償羅馬。方可依允。迦人有難色。因使人至斯巴達求救。斯巴達使散底布帥比羅地精兵救之。迦人亦以本國軍委散底布統領。散底布預設伏兵。然後向羅馬挑戰。纔一交鋒。散底布即敗。雷古魯屢敗之後。意頗輕敵。一路縱兵追擊。行不多遠。忽見伏兵齊起。斯巴達軍。迦太基四面合圍。羅馬軍大敗。雷古魯馬蹶。爲迦將哈米加所獲。餘衆脫歸的。只剩了二千許人。這總算是羅馬人一場大敗了。迦太基獲了雷古魯。與之立誓。釋之歸國。使勸羅馬人和。且請互易俘虜。雷古魯見羅馬人力言和議不利。決意爲戰。羅馬人欲留之。雷古魯道。吾已與迦人立誓。不可不去。遂與妻子親朋訣。仍還迦太基。迦太基聞雷古魯回國。力破和議。心中大怒。今見他束手復來。便要殺他洩恨。當下先割去了他的眼瞼。露出睛珠。使他直受日光。這個痛苦。已是難受。後又於木桶之中。偏植鐵釘。使雷古魯入其中而殺之。羅馬人聞知這事。人人垂涕。都要出死力爭回昔西利島。替雷古魯報仇的了。西歷紀元前五十四年。當我秦昭王五十三年。羅馬人造兵船二百二十艘。欲伐迦太基。中途又爲颶風所擊。喪失過半。餘艘都折回本國。越一年。又益兵攻昔西利。

重學之始
禦敵奇器

至來利庇恩擊迦太基軍。大敗其衆。獲戰象百餘。迦人戰死的多至二萬許。時迦太基兵在昔西利的。都由大將哈米加統率。這哈米加爲人。長於將略。驍勇善戰。軍中人都叫他是個巴加。這就是閃電的意思。哈米加憤迦軍屢敗。欲雪舊恥。厚撫士卒。時加訓練。及紀元前二百四十八年。當秦莊襄王二年。羅馬復攻來利庇恩。哈米加設伏要道。敗其前鋒。羅馬人怒。悉師出戰。哈米加預遣一軍。由間道出。攻燬羅軍老營。羅馬人方戰。猛一迴顧。見後面烟焰彌天。心知老營有失。陳脚忽亂。哈米加乘勢馳擊。大破之。羅馬人死至二萬許。追奔數十里。俘獲三千人。羅馬人喪氣。退守墨西拿。哈米加得了這一捷。使人往說叙古拉斯。告以羅馬之志。將取昔西利全島爲屬地。請乘其敗。出兵合攻。明年。叙古拉斯叛。羅馬人以一軍西向。當哈米加別遣大軍圍攻叙拉古斯。叙拉古斯有一將。爲希臘人亞奇默德弟子。亞奇默德善巧思。嘗立一杆於中。懸物於左右。輕重適均。遠近如一。視其倚點。悟了個重學之理。創造螺絲起重等器。後又依重學之理作二奇器。施之戰陣。以爲禦敵之用。一懸大木於城堞。中設機捩。俟敵船近岸。發木猛壓之。船即沉沒。一用大木。

數具。端有鐵鉤。鉤一着船。機振自轉。船物即沉沒於水。久之船身復行升空。自空墮地。繫爲齏粉。當時亞奇默德有一弟子傳受其法。後在叙拉古斯爲將。就依了這法。製成兩器。一見羅馬船隊來攻。即發奇器禦之。羅馬兵船毀裂頗多。羅人不曉得他是什麼器具。只叫他是個魔術罷了。羅馬軍既受虧。嚴守墨西哥。不敢進攻。那迦將哈米加循昔西利各城。以次恢復。兵鋒甚銳。擬乘勝攻墨西哥。羅馬使根蘇路古周爲水軍帥。率兵船二百艘。游弋昔西利海面。斷哈米加的糧運。迦將漢那以兵船四百艘。逆擊。戰於耶客約島。時羅馬人因兵船屢爲颶風擊壞。所造的船。益求堅大。水師訓練亦益精。戰既合。羅馬船縱橫馳擊。撞沈迦船五十艘。奪獲七十艘。生擒一萬餘人。漢那自率餘船。逃歸本國去了。漢那既敗。哈米加知迦太基軍多。募自他國。終不可恃。宜得休息幾年。乘著閒暇。操練陸軍。方能抗拒羅馬。就把此意告知政府。政府從之。便使人向羅馬求和。羅馬因連年爭戰。民力亦疲。且知迦太基人不可驟勝。也就許和。惟要迦太基人棄昔西利。償兵費三千二百答連多。迦太基人一一依允。這答連多是西國秤金銀時最重的砝碼。也可見

當日賠償兵費之鉅。和議一定。兩國各還俘虜。彼此和好。時已在紀元前二百四十一年。當我秦始皇六年。自此布尼革第一次戰畢。西地中海的海權。盡歸羅馬人掌握了。那迦太基人既失昔西利地。雖一時請和。心中總想報仇。日在國中講求兵事。把那些傭兵汰弱留強。認真訓練。又因西班牙人風氣強敢。意欲收撫其人。練之爲兵。這西班牙國。本爲迦太基人所經略。叫做新迦太基。然迦人所居。也只海口數處。其土人仍自立爲國。國中分爲數族。不肯服屬於人。迦太基人屢次攻伐。卒不能克。及與羅馬和後。迦太基人既欲別練精兵。以攻羅馬。又欲開闢殖民地。以償昔西利之失。正在籌畫計策。欲使哈米加爲將。往取西班牙。適國中所汰的傭兵紛起作亂。哈米加討之。尙未平靖。羅馬人又乘着內亂。割取迦太基所屬的薩甸牙科士兩島。迦太基人責其無信。羅馬人道。吾爲二島出兵。所費甚多。若能償我兵費。當以二島還你。迦太基人聽了這話。深怒羅馬人的不直。只以內亂未平。不敢復開戰釁。只得割棄這兩島。送給羅馬了。鬧了五年。內亂已平。迦太基人決計至西班牙練兵。以圖再舉。便舉哈米加爲將。率領從卒向西西班牙而去。

迦人經畧西班牙

這哈米加生有二子。長的叫做漢尼巴。次的叫做哈都斯巴。方哈米加赴西班牙的時節。他在軍神前獻祭。漢尼巴年方九歲。生得甚爲聰慧。也來觀看。哈米加對他說道。我要到西班牙去練兵。你要同着我去麼。漢尼巴便說願去。哈米加因携之以行。既入西班牙。連戰皆捷。北至泰索河。所在降附。因抽取精壯。練之爲兵。日以兵法授漢尼巴。使與士卒同甘苦。後哈都斯巴亦自迦太基至。哈米加一同訓練。兩子皆成將才。哈米加在西班牙十餘年。關地甚廣。練兵十萬。皆精勁善戰。又整頓商務。教士人以耕田捕魚等事。所徵的稅。即充軍餉。府庫充足。頗爲羅馬人所畏。及卒。以其姪漢思都巴代統其軍。漢思都巴亦有將略。能繼哈米加志。三年之中。關地至伊伯羅河。河南有撒根頓城。爲希臘人所立埠。見迦軍日逼。怕他越河來侵。便遣使求救於羅馬。羅馬以兵戍之。且使人與漢思都巴約以河爲界。迦人略地。不得渡河至撒根頓。然撒根頓人見漢思都巴威名口盛。心懷疑忌。潛遣刺客前往行刺。那曉得漢思都巴雖被刺而死。迦太基軍中卻又跑出一個羅馬的勁敵來了。這人就是哈米加的長子漢尼巴。他的爲人膽略過人。精通兵法。將士

服其智勇。戴之如神。漢思都巴被刺時。漢尼巴年纔二十六歲。便由將士推舉代爲大將。漢尼巴意中常欲掃滅羅馬。耀威天下。因二國講和。深以爲恥。時西班牙全境。自伊伯羅河以南。除撒根頓外。皆屬迦太基。漢尼巴兵精糧足。自度可以制勝。遂舉兵伐撒根頓。撒根頓人均力戰。漢尼巴擊敗之。進圍其城。撒根頓人登陴死守。漢尼巴使游騎巡弋要道。凡撒根頓人向羅馬求救的。都爲所獲。無一得達。圍攻至八月。城堞多毀。城中諸父老知城不能守。便於了一把火。盡焚所有財物。赴火而死。一城盡燬。這個警報傳至羅馬。羅馬父老人大怒。遣使至迦太基詰責。且索獻漢尼巴以謝。迦人不聽。使者入迦太基議院。兩手緊握其衣。如中藏寶物的一般。口中說道。我手中所握。有安有危。請你們自己揀擇。迦國議員都在院中便說道。只是憑君所賜的了。使者展開手說道。我賜你戰。議員便齊聲應道。戰。使者返命。羅馬大發海軍。分爲二隊。一向西班牙。一向迦太基。漢尼巴聞了也。就分撥大軍。留其弟哈都斯巴守西班牙。自率精兵六萬。大象四十。往伐羅馬。這就是布尼革第二次大戰了。當漢尼巴出兵的時節。定計踰比利尼山。由高盧境

以至意大利北部。哈都斯巴因這個時候。高盧人已服羅馬。便向漢尼巴練道。這條路岡巒重疊。峰嶺陡峻。道路偏仄。既不易行。高盧人又出沒無常。糧運不易接濟。若由此進兵。不是以全軍爲孤注一擲。不如由海道而往。駐軍昔西利以擊古買。然後鼓行而北。方爲萬全。漢尼巴道。戰鬪既開。羅馬以全力趨南境。北地必虛。況高盧人新降。不過因兵力之絀。並非心服。我若撫而用之。必能與我合力。高盧既爲我用。然後由伊都斯干散尼底以略而南。煽其自立。那羅馬四境。就沒有人不解體的了。計議已定。便由此路而行。渡伊伯羅河。漢尼巴灑酒中流。慷慨誓道。我漢尼巴不滅羅馬。有如此水。既越比利尼山。歷高盧境。東北行至羅那河。高盧人見迦軍至此疑。其來伐。扼河而陣。不使迦軍渡。漢尼巴使前鋒分赴上下游。以善價僱舟。不二日舟盡。集然尙苦不足。漢尼巴遣精軍一隊。潛至上游。中夜偷渡。乘高盧人不及覺。抄出其後。約以舉火爲號。平明漢尼巴登高而望。見烟燄滿天。因令水軍以大船多艘。橫亘水流最疾處。使溜勢稍緩。一面令前鋒乘小舟飛渡。竭力鼓棹。馬皆傍舟游泳。人馬同時抵岸。高盧人猛撲之。迦軍前鋒接戰。戰方

酣。忽聞鼓聲從高盧陣後起。早有迦軍吶喊而至。高盧人回顧見火光燭天。營幕都付一炬。衆遂大潰。漢尼巴一軍從容登岸。然自出軍至此途中傷折及陣亡的已有一千人之譜了。漢尼巴既渡羅那河與高盧族且戰且行。高盧人聚散不時。常伏樹林中伺便狙擊。迦軍一一擊走。便向亞勒比山前進。山高一萬一千尺。岡巒廻疊。山徑崎嶇。時值天寒。水雪凝結。軍士皆裹糧裹甲。攀蘿捫葛而上。山民常從後狙攻。或又由山上發大石滾擊。迦軍艱苦萬狀。一路凍餓。死傾跌死。及爲山民狙擊。死僵尸纍纍。觸目皆是。漢尼巴用好言激厲。努力上升。既達山頂。復由南而下。冰路迸裂。刺足如刀斧。偶一不慎。即滑遶而下。輾轉山谷中。全軍既下。驅逐諸土番。駐軍於隆巴比河。漢巴尼喜道。羅馬將帥不禦我於山下。知他不能敵我的了。然迦軍自出師至此。已五閱月。只剩了二萬六千人。又皆疲罷不能戰。漢尼巴極力撫循。就在隆巴比河休軍五旬。一面招撫高盧人。告以羅馬橫暴。迦軍此來將翦滅之。漢尼巴使輕兵一隊繞出羅馬軍後。伏於隘道。約俟羅馬敗軍至。奮起截殺。及戰。漢尼巴僞敗。耶密留保率兵進。漢尼巴張兩翼。各以大象十五圍攻。

之。身親戰搏。斬其驍將。羅軍陣略動。漢尼巴大喊道。羅軍敗了。自率勁騎刺殺耶密留保於萬衆中。迦軍大呼入陣。勢如風雨。羅軍大敗。漢尼巴乘勝攻帖連周發祿。帖連周發祿聞警。倉皇出陣。陣未畢。迦軍騎兵已漫天而至。以強弓勁弩射之。步兵持長矛。其次執巨斧。羅軍前鋒皆覆滅。餘衆大潰。至隘道。忽迦軍伏兵起。四面截擊。漢尼巴大軍又在後面尾追。帖連周發祿僅以身免。餘衆或死或虜。生還甚少。自此意大利諸城。多半歸附迦太基。漢尼巴威名震動各國。一路和馬基頓服散尼底降。加布亞復進兵南行。攻克達倫屯。若由此而北。那羅馬都城。正可一鼓而下。奈漢尼巴所統軍士。久露在外。兵仗皆缺。糧食告匱。不得已只好向本國求援。時迦太基政府。分爲兩黨。一黨欲援漢尼巴。一黨不可。漢尼巴請兵的文書。不絕於途。政府只是不發。後竟以空言覆他。說道你軍既屢勝羅馬。自不勞再添軍餉。這種說話。直同兒戲。自此之後。漢尼巴轉戰在外。就絕了後路的應援了。正是

大錯九洲同鐵鑄。

奇功十載誤金牌。

欲知漢尼巴以後勝敗如何。且聽下回分解。

羅馬與迦太基第一次第二次戰。均本萬國史記。羅馬志畧。西史綱目。萬國歷史。及地球一百名人傳。

迦太基。名人傳作喀頹基。今仍前。

哈米加。名人傳作喀米喀。史記作哈美利加。今從志略歷史。

雷古魯。史記作勒古侶。今從志略。

散底布。史記作瓚智甫。今從志畧。

薩匈牙利士兩馬。史記作撒丁哥塞牙。今從綱目。

漢思都巴。名人傳作哈司督巴。史記作漢尼巴。其哈米加子漢尼巴。史記作

小漢尼巴志略。作哈尼巴利。又漢思都巴。哈米加姪也。名人傳作其壻。今從

綱目。

哈都斯巴。名人傳作哈司督巴。今從綱目。

伊伯羅。史記作伊伯路。今從志畧。

撒根頓城。史記作沙侃坦。今從志畧。

比利尼山。史記作比利牛斯。歷史作披來內。名人傳作皮勒尼。今從志畧。

亞勒比山。史記作亞爾伯。歷史作愛而泊司。名人傳作亞刺伯。今從志畧。

低基那河。史記作低西那河。今從志畧。

佛拉米牛。史記作富拉美紐。今從志畧。

潔落西縣湖。志畧作德拉西面湖。今從史記。

哈彪。志畧作法比馬西木。今從史記。

西米年山。史記作亞卑尼奴山。今從志畧。

加奈。史記作干涅。今從志畧。

加布亞。史記作甲補亞。名人傳作加普亞。今從志畧。

萬國演義卷二十一 終

萬國演義卷二十二

迦太基剪髮斜弓絃 努米底亡胥失車輔

話說漢尼巴以孤軍入意大利境。所向克捷。後因師老糧匱。乞援不應。所部兵力逐漸衰耗。不能復與羅馬大戰。羅馬人因以馬爾塞羅爲根蘇。使禦漢尼巴。襲之於干巴尼亞的諾刺地方。敗其前鋒。這就是漢尼巴入意大利後初次的敗衄了。漢尼巴復使人說敘拉古斯合兵擊羅馬。馬爾塞羅知漢尼巴尙未可輕敵。先攻敘拉古斯。敘拉古斯仍用兩奇器禦敵。馬爾塞羅下令堵港。絕其糧食。城中乏食。就有人約爲內應。羅馬人乘夜入城。城兵死者過半。自此昔西利悉屬羅馬。馬爾塞羅復移兵攻加布亞。加布亞爲干巴尼亞最大的城埠。漢尼巴不能力保。仍爲羅馬攻復。加布亞父老恥見羅馬人。皆仰藥自盡。羅馬人鬻其民爲奴。任意擄掠。一面又遣使說哀多利合攻馬基頓。以敗迦馬的同盟。漢尼巴數年之功。盡成畫餅。軍氣旣衰。滅名日減。羅馬諸屬地。歸心漢尼巴的。都漸漸的攜貳起來。漢尼巴當

這境地。欲待向政府乞援。國人終是不應。不得已。只有遣使至西班牙。調取哈都斯巴的守兵來援了。話分兩頭。且說漢尼巴自西班牙出兵後。其弟哈都斯巴率兵留守。一日羅馬根蘇布溥留哥爾尼流將大軍自伊伯羅河入。哈都斯巴接戰。兩下互有勝負。哈都斯巴設計僞敗。誘之深入。使副將麻莪斷其歸路。布溥留哥爾尼流返擊麻莪。哈都斯巴乘勢尾追。敗其後隊。與麻莪兩下夾攻。羅馬敗績。布溥留哥爾尼流負傷而死。軍士存者僅十中一二。由是哈都斯巴的威名。也就震動羅馬了。羅馬既敗。復調西比阿帥大軍來伐。西比阿欲雪低基那河一敗之恥。軍氣頗銳。初進攻。即克撒根頓城。哈都斯巴扼險不戰。時以輕軍出擾。西比阿頓軍久。銳氣已盡。哈都斯巴與麻莪以大軍出擊。連敗其衆。西比阿敗死。羅馬軍乃退。然羅馬人雖敗。父老會志不少卻。市人不問貧富。爭赴國難。富者出貲財。貧者應召募。軍勢復振。用西比揚阿非利該爲大將。帥師四萬。復伐西班牙。西比揚阿非利該長於將畧。入西班牙境。連敗哈都斯巴軍於倍局拉。進掠諸邑。哈都斯巴連戰不利。適漢尼巴求援使至。哈都斯巴欲由海道赴援。應由西班牙取道地中海。